

Ukiumoortumik piffissap ilaa nalunaarutiniq suliaqarnermik suliffeqarfinnit pappiaqqanik nalilinnik nakkutigisamik niuerfinni pigisaqartunut aammalu ukiumoortumik naatsorsuutitut inatsimmut suliffeqarfinnut ilaatinneqartunut Kalaallit Nunaannut nalunaarut

Ukiumoortumik naatsorsuutitut inatsimmi § 134 a, imm. 1 aamma 2, aammalu § 164, imm. 4 aammalu 5 naapertorlugit soorlu kunngip peqqussutaatigut Kalaallit Nunaanni atuutsilersinneqartumi, naleqq. peqqussummik nalunaarut nr. 806 19. juni 2018, aalajangerneqarpoq:

Kapitali 1

Ukiup affaanut nalunaarusiamik suliaqartussaannermik pisussaaffik

§ 1. Suliffeqarfinnut pappiaqqanik nalilinnik nakkutigisamik niuerutigineqarsinnaasunut pigisaqartunut nalunaarut soorlu kunngip peqqussutaatigut Kalaallit Nunaanni atuutsilersinneqartumi § 7, imm. 1 nr. 1 aammalu 4, taamaattorli naleqq. 4-6 pineqartunut una atuuppoq.

Imm. 2. Suliffeqarfiit nakkutigisamik niuerfinni pappiaqqanik nalilinnik pigisaqartut ukiullu affaanut nalunaarusiaat suliffeqarfissuup immikkoortoqarfillip naatsorsuutaanik imaqtartussa qkiup ilaanut nalunaarusiamik suliaqassaaq ukiup affaata siulliup qaammataanut arfinilinnut siullernut ukiumi naatsorsuusiorfiup ukiuini tamani (ukiup affaanut nalunaarusiat) uani nalunaarusiami kapitali 2-mi malittarisassat malillugit.

Imm. 3. Suliffeqarfiit nakkutigisamik niuerfinni pappiaqqanik nalilinnik pigisaqartut ukiullu affaanut nalunaarusiaat suliffeqarfissuup immikkoortortaqtarfillip naatsorsuutaanik imaqtartussaanngitsoq piffissap ilaanut nalunaarusiamik suliaqassaaq ukiup siulliup qaammataanut arfinilinnut siullernut ukiunut naatsorsuusiorfiusunut tamanut (ukiup affaanut nalunaarusiaq) uani nalunaarummi kapitali 3-mi malittarisassat malillugit.

Imm. 4. Nalunaarut una suliffeqarfinnut børsimut nalunaarsukkanut taamaallat akiitsunut atugassanik atulersitsisunut atuutinngilaq, nunatsinnilu niuerutigineqartussatut atortut imaluunniit nakkutigisamik niuerfimmi EU/EØS nunani aammalu nioqqutissap ataatsip nalinganik minnerpaamik 100.000 nalinganik naleqartup imaluunniit nalinga allassimasoq nioqqutissap ataatsip ullormi atulersitaaffiani minnerpaamik 100.000 euro nalgippagu akiitsunullu akigassanut atukkat euro-mit allaaneruppata, soorlu kunngip peqqussutaatigut kalaallit Nunaanni atuutsilersinneqartumi, ukiumi naatsorsuusiornermi inatsimmi, naleqq. 134 a, imm. 3.

Imm. 5. Suliffeqarfinnut taamaallat akiitsunut atugassanik atulersitsisunut Kalaallit Nunaanni niuerutigineqartussanik pigisaqartunut imaluunniit niuerfinni nakkutigisani EU/EØS niuerfinni 31. december 2010 tikitsinnagu nioqqutissap ataatsip nalinga

minnerpaamik 50.000 euronik naleqarpat imaluunniit ullormi atulersitaaffiani nioqqutissap ataatsip nalinga minnerpaamik 50.000 euro-t naligippagu akiitsunullu atugassat atukkat euronit allaanernit tunniunneqarpata nalunaarut una atuutinngilaq soorlu kunngip peqqussutaatigut Kalaallit Nunaanni atuutsilersinneqartumi ukiumi naatsorsuutini inatsit naleqq. 134 a, imm. 4. 1. pkt. atuutissallunilu akiitsunut atugassat attartukkat akilernerqarfissaata sivilissusia tamaat ingerlatillugu.

Imm. 6. Suliffeqarfinnut 20. januar 2004 taamaallaat akiitsunut atugassanik atukkanik tunniussaqaqtunut aammlu suli niuerfennut nakkutigisanut atugassanik tunniussaqaqtunut suliffeqarfiullu nunagisaani piunasaqaatitaqanngitsunik utertinneqarsinnaanngitsumik qularnaveqqutinik matussutissalinnut EU/EØS imaluunniit nunap ilaani imaluunniit kommunalinut oqartussanut nunap taassuma iluani nalunaarut una atuutinngilaq.

Kapitali 2

Suliffeqarfinnut immikkoortoqarfilinnut ukiup affaanut nalunaarusiamik suliaqarneq

§ 2. Suliffeqarfinnut § 1, imm. 2-mi pineqartunut ukiup affaanut nalunaarusiortartunut makkua ilaassapput:

- 1) (Ukiup affaanut naatsorsuutit), suliffeqarfimmi immikkoortoqarfilimmi siulersorneqartumit ukiup affaanut suliffeqarfik immikkoortoqarfilimmut naatsorsuutit, naleqq. § 3.
- 2) Suliffeqarfik immikkoortoqarfilimmut siulersorneqartumut, aqutsisut nalunaarutaat, naleqq. § 9.
- 3) Aaqqissuussami aqutsisut ilaasortat akisussaasut atsiugaannut atatillugu aqutsisut uppernarsaatitut atsiornerat, naleqq. § 10.

Imm. 2. Ukiup affaanut ingerlatamut pingaarnermut naatsorsuutit ukiup affaanut nalunaarusiami ilaasinnaapput, taamaattoqarpallu § 4 imaluunniit § 5 atorlugit saqqummiunneqassapput.

Suliffeqarfiup immikkoortortallip ukiup affaanut naatsorsuutaasa suliarineqarnerat

§ 3. Ukiup affaanut suliffeqarfiup immikkoortoqarfillip naatsorsuutaasa suliarinerani, ukiup ilaanut ukiumut naatsorsuusiani suliffeqarfiup naatsorsuutinut pitsaassuseq malitassaq nunanit tamalaanit periuseq atorreqartoq atussavaat peqqussut artikel 6 (EF) nr. 1606/2002 akuerineqartukkat.

Ingerlatamut pingaarnermut ukiup affaanut naatsorsuutit suliarineqarnerat

§ 4. Ukiup affaanut naatsorsuusiortoqarnissaa suliffeqarfiup ingerlatamut pingaarnermut qineruniuk ukiup affaanut naatsorsuutit makku suliarfissavaat, naleqq. § 2, imm. 2

- 1) Ukiup ilaanut ukiumut naatsorsuutinut nunat tamalaat naatsorsuutit pitsaassusaannut piunasaqaatit malillugit suliarineqassapput, artikel 6 (EF) peqqussutaa nr. 1606/2002 periuseq akuerisaq malillugu, imaluunnii
- 2) Eqikkaanermi minnerpaamik oqimaaqatigiissineq ilaassaaq aammalu eqikkaanermi angusat nalunaarsorsimaffiat, naleqq. § 5.

§ 5. Eqikkaanermi oqimaaqatigissiitsineq aammalu eqikkaanermi angusat nalunaarsorsimaffiat suliffeqarfiup ukiumut naatsorsuutaani tamani pingaarnertut naatsorsuutit oqaasertaat aammalu angusaagallartut suliffeqarfiup ukiumut naatsorsuutaani

ilaatinneqartut. Suliffeqarfiup pigisai nalillit, akiitsui, aningaasat ingerlaarnerata inissisimaneri aammalu angusaq.

Imm. 2. Ingerlatsinermi oqimaaqatigiissitsinermilu angusat allatorneqartarnerat aammalu uuttuutit ukiumi naatsorsuusiordermi atorneqartartut ukiup affaanut naatsorsuutit suliarinerini imm. 1 malillugu suliffeqarfiup atussavai.

Imm. 3. Suliffeqarfiup ukiumut naatsorsuutininut kingullernut tamanut saqqummiussamini ukiup affaanut naatsorsutimini naatsorsuusiordermi periutsinik allannqortitsiguni, ukiumut naatsorsuutininut inatsimmi § 51-imi naatsorsuutininut periutsinik allannqornermut aalajangersakkat atuutilissapput, soorlu kunngip peqqussutaatigut Kalaallit Nunaanni atulersinneqartumi ukiup affaanut naatsorsuusiordermi taamatuttaaq atuutissapput.

Imm. 4. Ukiumi naatsorsuiffiusumi ingerlasumi aningaasat qaammatit arfinillit siulliit naanerani oqimaaqatigiissitsinermi naatsorsuutit oqaasertaani allanneqassapput. Aammaattaaq aningaasat pineqartut assingi ukiup siuliani naatsorsuiffiusup iluani allanneqassapput.

Imm. 5. Ukiumi naatsorsuiffimmi ingerlasumi naatsorsuutit oqaasertaanni tamani angusat nalunaarsorneranni qaammatininut siullernut arfinilinnut aningaasat allanneqassapput. Aammattaaq ukiup siulianut ukiumi naatsorsuiffimmi aningaasat pineqartut assingi allanneqassapput.

Kapitali 3

Ukiup affaanut nalunaarusioneq suliffeqarfinnut immikkoortortalittut naatsorsuusiorderneq ajortunut

§ 6. Suliffeqarfinnut § 1, imm. 3-mi ilaatinneqartunut ukiup affaanut nalunaarusiaq makkuninnga imaqaassaaq:

- 1) Suliffeqarfimmuut ukiup affaanut naatsorsuutit naleqq. §§ 7-8.
- 2) Suliffeqarfimmuut aqutsisut nalunaarutaat, naleqq. § 9.
- 3) Aaqqissuussami aqutsisut ilaasortat akisussaasut atsiugaannut atatillugu aqutsisut uppernarsaatitut atsornerat, naleqq. § 10.

§ 7. Ukiup affaanut naatsorsuusiordermi, naleqq. § 6, nr. 1 suliffeqarfii § 1, imm. 3-mi ilaasut ukiup affaanut naatsorsuusiordermut qinersinnaavaat

- 1) Suliarineqassasut naatsorsuusiordermi pitsaassuseq malitassaq nunanit tamalaanit atorneqartoq malillugu ukiumut naatsorsuutit piffissap ilaanut suliarineqassasut artikel 6 peqqussummi (EF) nr. 1606/2002 periuserineqartartoq akuerisaq malillugu, imaluunniit
- 2) Eqikkaanermi minnerpaamik oqimaaqatigiissineq ilaassaaq aammalu eqikkaanermi angusat nalunaarsorsimaffiat, naleqq. § 5, imm. 1, aammalu nalunaarsuutit nassuiaataasut, naleqq. § 8.

Imm. 2. Ukiup affaanut naatsorsuutit imm. 1, nr. 2 malillugu suliarineqarpata § 5, imm. 2-5 aammattaaq atuutissaaq.

§ 8. Ukiup affaanut naatsorsuutit § 7, imm. 1, nr. 2 malillugu suliarineqarpata nalunaarsuutininik nassuiaataasunik imaqaassapput. Nalunaarsuutit nassuiaataasut makkuninnga imaqaassapput:

- 1) Ukiup affaanut naatsorsuutit qulakkeernissaat tamakkiisumik paasissutissat assersuunneqarsinnaanissaannut eqikkaanerni aammalu ukiumut naatsorsuutininut atatillugu.
- 2) Naatsorsuutininik atuisut aningaasanut tunngatillugu malunnaateqarluartumik allannqornermut eqqortumik paasinninnissaat qulakkeerniarlugu aammalu ukiup affaani piffimmi pineqartumi pisimasuusinnaasut oqimaaqatigiissitsinermi aammalu angusat naatsorsornerani soorlu ersersinneqartuni.

Kapitali 4

Ukiup affaanut nalunaarummi imarisai allat

Aqutsisut nalunaarutaat

§ 9. Aqutsisut nalunaarutaat minnerpaamik suliffeqarfissuup immikkoortallip imaluunniit suliffeqarfiup suliai, angusai aammalu nammineq aningaasaatit ineriartorsimanerat oqaaseqarfigineqarsimaneranik imaqaassaaq aammalu pissutsit suliffeqarfimmut immikkoortortallip imaluunniit suliffeqarfiup suliniutaanut, angusaanut aammalu nammineq aningaasaataanut piffissap iluani pineqartumi sunniuteqarsimasut immikkut ittut nalunaarutigineqarnerat. Aammattaaq ukiumi naatsorsuiffiup iluanut tunngasunik aqutsisut nalunaarutaat ineriartornermi ilimagisat allaaserineqassapput aammalu malunnaatilimmik aarlerinartut nalorninartullu ukiup naatsorsuiffiusup iluani sinneruttumut allaaserisamik imaqaassalluni.

Imm. 2. Suliffeqarfik suliffeqarfiup immikkoortortallip naatsorsuutaanik saqqumiisussaq, naleqq. § 2, nr. 1, nr. 2, aqutsisut nalunaarutaanni, suliffeqarfiit pappiaqqanik nalilinnik niuerfimmi nakkutigisami pigisaqartunut, aktianillu niuerutissanik pigisaqartunut imaluunniit niuerutigineqarnerini nalililersuisut Kalaallit Nunaanni imaluunniit EU/EØS nunani niuerfimmi nakkutigisami taassumalu saniatigut imm. 1-mi paasissutissat ilanngunneqartut saniatigut minnerpaamik qanittumik suleqatigisanik suleqateqarluni tamanut annertunerusumik nuussinernernut atatillugu makku saqqummiunneqassapput:

- 1) Ukiumut naatsorsuusiorfiusumut ingerlasumut qaammatini siullerni arfinilinnut pisimasunut qanittumik suleqatigiit nuussiineri aammalu suliffeqarfiup aningaasaqarneratigut imaluunniit piffissami tassani angusatigut inissisimaneranik sunniuteqarsimappata malunnaatilimmik.
- 2) Qanittumik suleqatigisarlu nuussinerni allannguutaasimasinnaasut ukiumut nalunaarusiami kingullerimi allaaserineqartut aammalu suliffeqarfiup aningaasaatigut inissisimaneranik malunnaatilimmik sunniuteqarsimaneramik imaluunniit angusatigut ukiumi tassani naatsorsuusiorfiusumi qaammatini arfinilinni siullerni ingerlasumi.

Imm. 3. Suliffeqarfik aqutsisut nalunaarutaanni, naleqq. § 6, nr. 2, suliffeqarfik immikkoortoqarfilittut naatsorsuutininik suliaqartussaangitsoq Kalaallit Nunaanni imaluunniit nakkutigisamik niuerfik EU/EØS-nunami aktianik pigisaqartoq niuerutissanik imm. 1-imi eqqaaneqartut paasissutissat ilanngunneqarsimasut saniatigut minnerpaamik qanittumik suliffeqarfik suleqatigisaatalu akunnerminni pissutsit suunerinik aammalu nuussinerit isumannaagassallu ukiumut naatsorsuutininut pissutsit sunniutigisinnaa-simasaat paasineqarnissaannut pisariaqartut paasissutigissavaat. Minnerpaamik paasissutissat ilagissavaat nuussinerit suuneri aammalu aningaasartaasa annertussusaat, ullormi oqimaaqatigiissitsiviusumi isumannaagassat aningaasatigut annertussusaat aammalu taakku pillugit piumasaaqatit, ukiumilu nalikilliliinerit aammalu pisassarisat qanittumik suleqatinit aammalu pisassarisani piusuni katersat nalikilliliinerit. Paasissutissat uniffiup siulliup kingorna taamaallaat tunniunneqas-sapput niuernerminni nuussinerit annertuppata. Paasissutissat uniffiup siulliup kingorna killilernerqarsinnaapput niuernerminni atugassat nalinginnaasut atorlugit, nuussinernut paasissutissat ingerlanneqanngitsut ilanngullugit, taamaattoqarpallu periarfissaq taanna atornerqarsimanagera paasissutissiisutiginneqassaaq. Nuussinernernullu ataasiakkaanut paasissutissat suuneri malillugit immikkoortiterneqarsinnaapput, paasissutissalli immikkullarissut suliffeqarfiup aningaasatigut inissiisamaneranik pisariaqarpata nuussinerit sunniutaasa paasineqarnissaat qanittumik suleqatigisarlu.

Aqutsisut uppersaatit atsiornerat

§ 10. Ukiumi naatsorsuutitut inatsit, soorlu kunngip peqqussutaatigut Kalaallit Nunaanni atuutsilersinneqartumi aalajangersanerit §8, §9, imm. 1-5 aammalu imm. 7 aammalu § 10 atsiornernut aammalu aqutsisut uppersaatit atsiornerat ukiumi nalunaarutini aammattaaq ukiup affaanut nalunaarutitut atussapput.

Kukkunersiuineq il.il.

§ 11. Suliffeqarfik immikkoortortalimmut ukiup affaanut naatsorsuutit imaluunniit ukiup affaanut naatsorsuutit naalagaaffimmi akuerisamit kukkunersiuusumit kukkunersiorneqarsimappata imaluunniit naalagaaffimmit akuerisamit kukkunersiuusumit taakku misissorsimappagit (review), ukiup affaanut nalunaarummi kukkunersiuusup nalunaarutaa ilaassaaq.

Imm. 2. Suliffeqarfiup immikkoortortallip ukiup affaanut imaluunniit ukiup affaanut naatsorsuutit kukkunersiorneqarsimangippata imaluunniit kukkunersiuusumit naalagaaffimmit akuerisamit missiorneqarsimangippata, ukiup affaanut nalunaarummi tamanna pasititsissutigineqassaaq.

Kapitali 5

Ukiup ilaanut nalunaarummik qaammatitut arfinilinnit allaanerusumik piffissamit suliaqarneq

§ 12. Suliffeqarfiup ukiup ilaanut nalunaarummik qaammatitut arfinilinnit piffissamik allaanermik qineruniuk suliaqarniarluni, tassunga atatillugu kvartalimut nalunaarusiaq suliffeqarfiup nammineq atugassaatur taamaallaat naatsorsuussaangitsumik, ukiup affaanut nalunaarusianut nalunaarummi aalajangersakkat assinganik atuutissapput, ukiup ilaanut nalunaarutitut taamaattunut naleqqussakkat pisariaqartut ilanngullugit.

Kapitali 6

Suliffeqarfimmi aningaasatigut pissutsit nalunaarutit tamanut saqqummiunneqarnerat

§ 13. Suliffeqarfijup aningaasatigut inissisimanera pillugu suliffeqarfiup tamananut nalunaarummik nalunaaruteqarpat taannalu ukiup ilaanut nalunaarutaanani una nalunaarut mailillugu, taava nalunaarut ukiup ilaanut nalunaarusiatut taaguuserneqassanngilaq, ukiup affaanut nalunaarusiaq, kvartalimut nalunaarusiaq imaluunniit assigisaanik, aammalu nalunaarut aammalu ilusimigut saqqumissooq imatut ukiup ilaanut nalunaarusiamut paarlaanneqarsinnaassanani.

Kapitali 7

Aalajangersakkat nalinginnaasut

Maalaarsinnaatitaaneq

§ 14. Nalunaarummi uani aalajangersakkat unioqqutinneqartut Erhvervsstyrelsimillu imaluunniit Finanstilsynimit aalajangikkat, Erhvervsankenævnumit ingerlateqqinneqarsinnaapput, kingusinnerpaamik aalangiineq pineqartumut sapaatit akunneri sisamat qaangiunneratigut.

Pineqaatississiissutit

§ 15. Peqqussut una unioqqutinneqarpat, akiliisussanngortaasoqarsinnaavoq, Kalaallit Nunaanni pinerluttaalititsinermut inatsit malillugu allamik pillaatissiissummik pineqaatissiissuteqartoqareersimangippat

Imm. 2. Unioqqutitsineq aktianik piginneqatigiiffimmit, anpartsselskabimit, andelsselskabimit assigisaannillunniit (inuit pisinnaatitaasunitt pisussaataasunillu) pisimappat, taava pillagaasutut akiligassiissummik akisussaaffilerneqarsinnaapput.

Atortuulersitsineq

§ 16. Nalunaarut atulersinneqarpoq ulloq 15. april 2024.

Stk. 2. Nalunaarut ukiumi naatsorsuiffimmi atuutilerpoq, ullormi aallartittumi 15. april 2024 imaluunnii kingusinnerusukkut.

Imm. 3. Suliffeqarfinnit ukiup ilaa nalunaarutit suliarineqartarnerat niuerfinnilu nakkutigisani pappiaqqanik nalilinnik niuerutigineqarsinnaasunik pigisaqartunut aammalu ukiumut naatsorsuutitut suliffeqarfik inatsimmut attuumassuteqartoq Kalaallit Nunaanni nalunaarut nr. 633 29. maj 2018-imeersoq matumuuna atorunnaarsinneqarpoq.

Erhvervsstyrelsen, ulloq 10. april 2024

Jørgen Wissing Jensen

/Philip Frey